

Олим, доктор Абдул Раҳим дунёнинг 14 тилида bemalol сўзлаша оладиган ноёб полиглот



21:30 / 20.10.2023 1061

Араб тили филологияси ривожига бекиёс ҳисса қўшган тилшунос олим, доктор Абдул Раҳим дунёнинг 14 тилида bemalol сўзлаша оладиган ноёб полиглот эди. Яъни, устоз араб, инглиз, урду, форс, немис, француз, грек, турк, тамил, иврит, арамий, санскрит, ҳинди ва эсперанто тилларини билган.

Устознинг асл исми Валия Мабодий Абдул Раҳим бўлиб, ҳинд миллатига мансуб. У зот 1933 йилда Ҳиндистоннинг Тамилнаду штати Ваниямбаду шаҳрида таваллуд топган.

Доктор Абдул Раҳимнинг араб тилини тадқиқ қилиш ва таълим беришга оид асарлари сони 30 дан ортиқ бўлиб, Мадина ислом университети қошидаги араб бўлмаганларга араб тилини ўргатиш Институти (Islamic University of Medina | Institute of Teaching Arabic) директори ва араб тили факультети доценти бўлган.

Илмий даражаси:

1. Инглиз тили ва адабиёти магистри. Ҳиндистоннинг Мадрас Университети.

2. Араб тили ва адабиёти магистри. Ҳиндистондаги Алигарх мусулмон университети
3. Араб тилининг келиб чиқиши мавзусида докторлик даражаси. Мисрдаги Ал-Азҳар университети араб тили факультети.

Устоз бир неча йиллар давомида Судандаги Омдурман Ислом университети инглиз тили кафедра мудири бўлиб фаолият юритган, сўнгра Канаданинг Торонто шаҳридаги Қуръон тилини таълим бериш инситуига раҳбарлик қилган. Доктор узоқ йиллар давомида Саудия Арабистони Мадинаи мунаварра шаҳридаги Қирол Фаҳд номидаги Қуръони каримни чоп этиш Мажмуаси таржималар Маркази директори бўлиб иш олиб борган. Буюк олим ушбу мажмуада Қуръони каримни дунёнинг 75 тилига маънолар таржимасига раҳбарлик қилган ва умрининг сўнгига қадар ушбу вазифада ишлади.

Доктор Абдур Раҳимни "Мўъжамуд духуули фил луғатил аробийатил ҳадийсати ва лаҳажатиҳа" асари ҳам жуда машҳур бўлиб, кўп марталаб нашр этилган.

Докторнинг араб тилига оид З жузлик "**Дуруусул луғатил аробийати ли ғойри натиқийна биҳа**" (Араб тилидан бошқа тилда сўзлашувчилар учун араб тили дарслари) дарслик қўлланмаси бутун дунёда машҳур бўлиб, кўплаб тилларга ўгирилган ва миллионлаб талабалар ушбу китоб орқали араб тилини ўргангандар. Шунингдек, устоз араб тилидан ташқари, инглиз, урду тилларида ҳам китоблар ёзган.

2023 йил 19 октябрь куни аллома, доктор Ваниямбади Абдул Раҳим (Dr V. Abdul Rahim) 90 ёшида вафот этди.

Аллоҳ таоло араб тилининг ривожи ва таълимига беқиёс ҳисса қўшган улуғ олим Ваниямбади Абдул Раҳимни раҳматига олсин, қолдирган илмий меросини барчага манфаатли қилсин!